



# Reglament dalla biblioteca

per la vischnaunca Lumnezia

## Cuntegn

I.	Determinaziuns generalas	3
Art. 1	Purtadra	3
Art. 2	Intent, porschida e tecnica	3
II.	Determinaziuns specialas	3
Art. 3	Organisaziun	3
Art. 4	Cumissiun da biblioteca	3
Art. 5	Menader dalla Biblioteca Lumnezia	4
Art. 6	Finanzas e contabilitad	4
III.	Determinaziuns finalas	4
Art. 7	Vigur	4

## Reglament dalla biblioteca per la vischnaunca Lumnezia

dils 23 da settember 2013 (rev. 03 d'avrel 2023)

---

La suprastanza communal,

sebasond sin art. 55 lit. a dalla Constituziun dalla vischnaunca Lumnezia dils 23 da settember 2012 (stan 24-11-2019),

concluda:

### I. Determinaziuns generalas

Art. 1 Purtadra

Purtadra dalla biblioteca populara e da scola Lumnezia ei la vischnaunca Lumnezia. La biblioteca vegn menada sut il num Biblioteca Lumnezia.

Art. 2 Intent, purschida e tecnica

<sup>1</sup> La biblioteca survescha all'informaziun, alla tgira dalla cultura, alla formaziun, al passatemp per carschi ed affons. Ella porscha cudischs ed ulteriuras medias. La vischnaunca metta a disposiziun localitads adattadas. Ella ei center da sentupada e duei esser aviarta sufficientamein per la populaziun indigena sco era per hosps.

<sup>2</sup> La purschida duei esser multifara e cumpigliar ils differentes camps. Ella duei vegnir actualisada cuntinuadamein.

<sup>3</sup> La sistematica, presentaziun e registraziun sedrezza tenor la tecnica da lavur proponida dalla cuminonza da lavur dallas bibliotecas Svizras publicas (CLP).

<sup>4</sup> Cun occurrenzas literaras sco p.ex. prelecziuns da cudischs duei la populaziun vegnir fatga attenta silla purschida ed il leger vegnir promovius sur tuttas generaziuns ora.

### II. Determinaziuns specialas

Art. 3 Organisaziun

<sup>1</sup> Il cau dil departament cultura representa la suprastanza communal Lumnezia ella cumissiun da biblioteca. La suprastanza communal Lumnezia elegia igl assessur dalla cumissiun da biblioteca ed il menader dalla Biblioteca Lumnezia.

Art. 4 Cumissiun da biblioteca

<sup>1</sup> La cumissiun da biblioteca seconstituescha senza enten eleger in president ed in actuar. Dalla cumissiun da biblioteca fan il cau dil departament cultura, dalla suprastanza communal Lumnezia, il menader dalla Biblioteca Lumnezia, sco era in assessur part.

<sup>2</sup> La cumissiun da biblioteca ha las suandontas incumbensas ed obligaziuns:

- survigilar tut ils fatgs dalla Biblioteca Lumnezia
- approbar igl uorden da diever dalla Biblioteca Lumnezia
- fixar las incumbensas dil menader dalla Biblioteca Lumnezia
- approbar la proposta per la planisaziun da piazzas dil menader dalla Biblioteca Lumnezia per mauns dalla suprastanza communal
- eleger ils collaboraturs dalla Biblioteca Lumnezia en coordinaziun culla suprastanza communal Lumnezia
- preparar il preventiv per mauns dalla suprastanza communal Lumnezia

#### Art. 5 Menader dalla Biblioteca Lumnezia

<sup>1</sup> Il menader dalla Biblioteca Lumnezia ei responsabels per il menaschi dalla biblioteca. El sestenta per in'andanta formaziun persunala ed instruescha ses collaboraturs. El tgira la collaboraziun cun las scolas e cun la suprastonza communal.

<sup>2</sup> Il menader dalla Biblioteca Lumnezia ha las suandontas incumbensas ed obligaziuns:

- administrar ed organisar il menaschi dalla Bilioteca Lumnezia tenor directivas dalla cuminonza da lavur dallas bibliotecas Svizras publicas (CLP)
- menar igl inventari e registrar ils mieds tenor directivas dalla cuminonza da lavur dallas bibliotecas Svizras publicas (CLP)
- elavurar igl uorden da diever dalla Biblioteca Lumnezia
- preparar la proposta ed il preventiv per la planisaziun da piazzas dalla Biblioteca Lumnezia per mauns dalla cumissiun da biblioteca e dalla suprastonza communal.
- publicar piazzas libras dalla biblioteca els organs officials en coordinaziun cul menader dalla partiziun finanzas/persunal dalla vischnaunca.
- proponer collaboraturs dalla Biblioteca Lumnezia per l'elecziun entras la cumissiun da biblioteca.
- fixar il plan da lavur dils collaboraturs dalla Biblioteca Lumnezia.
- menar il rapport da lavur dils collaboraturs dalla Biblioteca Lumnezia.
- survegilar ch'il preventiv vegni risguardaus e buca surpassaus.
- controllar e visar tut ils quens e surdar quels all'administraziun communal Lumnezia.

#### Art. 6 Finanzas e contabilitad

<sup>1</sup> Il quen dalla biblioteca vegn menaus dall'administraziun communal Lumnezia ed ei part integrala dil quen communal dalla vischnaunca Lumnezia.

<sup>2</sup> Il menader dalla Biblioteca Lumnezia obtegn in'indemnisaziun pauschala da CHF 600 ad onn per las lavurs generalas ed administrativas. Igl assessur obtegn in'indemnisaziun pauschala da CHF 300 ad onn per tutta lavur enteifer la cumissiun che cumpetta ad el.

<sup>3</sup> Ils collaboraturs dalla Biblioteca Lumnezia vegnan indemnisai tenor decisiun annuala dalla suprastonza communal Lumnezia. In daner da vacanzas sco era ina 13avla paga meinsila ein cumpri ell'indemnisaziun per ura. Quintadas vegnan las uras da presenza duront il temps d'avertura dalla Biblioteca Lumnezia sco era lavurs preparatoricas tenor incumbensa dil menader dalla Biblioteca Lumnezia. Las sesidas dalla cumissiun da biblioteca vegnan indemnisadas tenor reglament da salarisaziun per la vischnaunca Lumnezia.

<sup>4</sup> Spesas vegnan indemnisadas tenor reglament da salarisaziun per la vischnaunca Lumnezia.

### III. Determinaziuns finalas

#### Art. 7 Vigur

Quest reglament va en vigur retroactivamein cun igl 1. da schaner 2023.

Approbau dalla suprastonza communal Lumnezia, ils 03 d'avrel 2023.

Il president communal:



Daniel Solèr



La canzlista communal:



Silvana Caviezel